

Meeqqat inuusuttuaqqallu angerlarsimaffiup avataanut inissinneqartartut ikilisinniarlugit ilaqtariinnut iluaqtaasumik siusissukkut iliuseqartarnissamik Naalackersuisut pilersaarudioqqullugit peqquneqarnissannik Inatsisartut aalajangiiffisassaattut siunnersuut. Pilersaarussiaq juli 2022 naatinnagu Inatsisartunut saqqummiunneqassaaq.
(Inatsisartuni ilaasortaq Jess Svane, Siumut)

pillugu

Ilaqtariinnermut Peqqissutsimullu Ataatsimiititaliap

Siunnersuutip aappassaaneerneqarnerani

ISUMALIUTISSIISSUTAA

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Agathe Fontain, Inuit Ataqatigiit, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Mikivsuk Thomassen, Inuit Ataqatigiit
Inatsisartunut ilaasortaq Knud Mathiassen, Inuit Ataqatigiit
Inatsisartunut ilaasortaq Mette Arqe-Hammeken, Naleraq
Inatsisartunut ilaasortaq Jess Svane, Siumut
Inatsisartunut ilaasortaq Mala Høy Kukò, Siumut

UKA2021-imi ulloq 21. oktober 2021-imi siullermeerinerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Meeqqat inuusuttuaqqallu angerlarsimaffiup avataanut inissinneqartartut ikilisinneqarnissaat siunertaralugu 2022-imi juli naatinnagu pinaveersaartitsinissamut pilersaarummik Naalackersuisut suliaqarnissaat pillugu peqquneqarnissaat siunnersuuteqartup matumuuna siunnersuuteqarnermigut anguniarpaa.

2. Siunnersuutip Inatsisartuni siullermeerneqarnera

Siunnersuut partiinit tamanit tapersorsorluarneqarpoq immikkoortorlu ataatsimiititaliami suliarineqartussanngorlugu innersuunneqarluni. Naalakkersuisut allannguutissatut siunnersuuteqarput.

3. Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuummut tunngavilersuutitut allanneqassasut.

Siunnersuutip piviusunngortinneqarnissaanut aningaasatigut kingunerisassat matumani allanneqarsimani siunnersuummut naapertuunna, taamaalilluni pilersaarut AC- ukiumut akissarsiaasa nalinginik 500.000 kr.-inik akeqarnissaa ataatsimiititaliamit tusaatissatut tiguneqarpoq.

4. Ataatsimiititaliap siunnersuummik suliaqarnera

Siunnersuutaqqaartoq allannguutissatullu siunnersuutigineqartoq ataatsimiititaliap misissorniarpai ukuusut:

Siunnersuutaqqaartoq imaappoq:

”Meeqqat inuusuttuaqqallu angerlarsimaffiup avataanut inissinneqartartut ikilisinnaarlugit ilaqtariinnut iluaqutaasumik siusissuklut iliuuseqartarnissamik Naalakkersuisut pilersaarudioqqullugit peqquneqarnissannik Inatsisartut aalajangiiffigisassaattut siunnersuut. Pilersaarusiaq juli 2022 naatinnagu tamanut saqqummiunneqassaaq”

Naalakkersuisullu allannguutissatut siunnersuutaat imaalluni:

”Meeqqat inuusuttullu angerlarsimaffiup avataanut inissinneqartartut ikilisinneqarnissaat siunertaralugu UKA 2022-mut ilaqtariinni pitsaaliuineramik suliaqarnek pillugu iliuusissanut pilersaarummik suliaqarnissamik Naalakkersuisut peqquneqarput”.

Angerlarsimaffiup avataanut inissinneqartartut ikilisinneqarnissaat siunertaralugu ilaqtariinni pinaveersaartitsineramik suliaqartoqarnissaanut pilersaaruteqarnissaaq immikkoortuni taakkunani marlunni sammeneqarpoq. Siunnersuutit taakku assigiinngissusaat tassaavoq siunnersuutaqqaartumi juli 2022 siunnersuutigineqarmat allannguutissatullu siunnersuummi UKA22 piffissaliunneqarluni. Iliuusissatut pilersaarummik Naalakkersuisut UKA2021-imi saqqummiussiniarnersut imaluunniit UKA2021-imi saqqummiunneqartussamik iliuusissarut pilersaarummik suliaqarniarnersut erseqqivinnigilaq.

5. Allakkatigut apeqquteqaat

Taamaattumik immikkoortup suliarinerani ataatsimiititaliaq allakkatigut apeqquteqaammik Meeqqanut, Inuusuttunut, Ilaqutariinnermut Naalakkersuisumut nassiussaqqarpoq (takuuk ilanngussami allakkatigut apeqquteqaat aammalu allakkatigut akissuteqaat ilanngussaq).

Naalakkersuisut allakkatigut akissutaanni allassimavoq allannguutissatut siunnersuummi piffissaliussatut aalajangiunneqartumut pissutaasoq suliarinninnermi suleqataasut attuumassuteqartut akuutinneqarnissaat aammalu ineriartortitsinermik nutserinermillu ingerlatsinermut piviusorsiorturnik sinaakkusiisoqarnissaa. Iliuusissatut pilersaarut UKA2022-imi agguaanneqarnissaminut piareersimassasoq allassimavoq.


6. Ataatsimiititaliap inassuteqaatai:

- Ataatsimiititaliap isumaqatigiittup Naalakkersuisut allannguutissatut siunnersuutaat akuerineqassasoq innersuutigaat

Taama oqaaseqarluni isumaliutissiisummilu allassimasutut paasinnilluni siunnersuut ataatsimiititaliap aappassaaniigassanngortippaa.



Ateq
Siulittaasoq
Agathe Fontain



Ateq
Siulittaasup tullia
Anna Wangenheim




Mikivuk Thomassen
Mette A-Hammeken


For



Knud Mathiasen



Jess Svane



Mette Arge Hammeken

Mikivuk Thomassen



Mala Høy-Kukó



Meeqqanut, Inuusuttunut Ilaqutariinnullu
Naalakkersuisoq
/MAANI

Ulloq: 03-11-2021
J.nr.:01.38.01.03-00143

Allakkatigut apeqqutit

Imm. 45-p ataatsimiititaliamit suliarineqarneranut atatillugu allakkatigut apeqqutit matuma kinguliani allassimasut ataatsimiititaliamit nassiunneqarput.

1. Allannguutissatut siunnersuut Naalakkersuisunit saqqummiunneqartoq imaappoq:

”Meeqqat inuusuttullu angerlarsimaffiup avataanut inissinneqartartut ikilisinneqarnissaat siunertaralugu UKA 2022-mut ilaqutariinni pitsaaliuinermik suliaqarneq pillugu iliuusissanut pilersaarummik suliaqarnissamik Naalakkersuisut peqquneqarput”.

Iliuusissanut pilersaarut UKA2022-mi agguanneqassanersoq erseqqissaqqullugu aammalu siunnersuutaaqqaartumi piffissaliussa quli 2022 pinnagu UKA2022-mut aalajangiussinermut tunngavilersuut nassuiaatigeqqullugu Naalakkersuisut qinnuigineqarput.

Siuliani apeqqutinut allakkatigut akissutip (kalaallisut danskisullu) sapinngisamik piaartumik tiguneqarnissaa ataatsimiititaliamit qinnutigineqarpoq. Akissut qarasaasiakkut ataatsimiititaliap allattaanut (mika@ina.alla.gl) aamma Inatsisartunut (inatsisartut@inatsisartut.gl) nassiateqquneqarpoq.

Qujareerlunga,

Ilaqutariinnermut Peqqissutsimullu Ataatsimiititaliap sinnerlugu
Inussiarnersumik inuulluaqqusillunga

Agathe Fontain
Ataatsimiititaliap siulittaasua



Uunga: Ilaqtariinnermut Peqqissutsimullu Ataatsimiititaliaq
E-mail: mika@ina.ala.gl
inatsisartut@inatsisartut.gl

05-11-2021
Sags nr. 2021 - 16235
Akt. id. 18420753

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ian@nanoq.gl
www.naalakkersuisut.gl


**Imm. 45 pillugu Meeqqanut, Inuusuttunut Ilaqtariinnullu Naalakkersuisup
allannguutissatut siunnersuut saqqummiussaa pillugu Ilaqtariinnermut
Peqqissutsimullu Ataatsimiititaliap allakkatigut apeqqutaa pillugu akissut**

Ilaqtariinnermut Peqqissutsimullu Ataatsimiititaliap tuavioernerpaamik allakkatigut akineqarnissani kissaatigisimavaa.

Apeqqut: Iliuusissanut pilersaarut UKA2022-mi agguanneqassanersoq erseqqissaqqullugu aammalu siunnersuutaqaartumi piffissaliussaq sulii juli 2022 pinnagu UKA2022-mut aalajangiussinermut tunngavilersuut nassuiaatigeqqullugu Naalakkersuisut qinnuigineqarput.

Akissut: Aap, UKA2022-mi iliuusissanut pilersaarut Naalakkersuisut agguakumavaat. Iliuusissanut pilersaarut pitsaasumik sunniuteqarniassamat, piffissaliussaq 2022-mi julimianani UKA2022-mut allanngortinneqarneranut suleqataasut attuumassuteqartut suliami akuutinneqarnissaannut pisariaqartinneqartumik piffissaqartariaqarnermik pissuteqarpoq. Peqqissaartumik akuutitsinissamik ingerlatsinissap aallartinneqarnissaa aamma 2022-mi julip tungaanut sunniuteqarluartumik iliuusissanut pilersaarummik, suleqataasut attuumassuteqartut sammiviliiffiinik eqqarsaatiginnittoq aamma suliaasaqarfik pillugu ilisimasani uppersaasarsukkanik tunngaveqartoq pillugu naammassinninnissaq ajornartoq, Naalakkersuisut nalilerpaat. Ineriartortitsinermut nutserititsinernillu ingerlatsinernut pivusorsiortunik sinaakkusiisoqarnissaa Naalakkersuisut kissaatigaat, iliuusissanullu pilersaarutip UKA2022-mi agguanneqarnissaminut piareernissaa pivusorsiortutut nalilerlugu.

Inussiarnersumik Inuulluaqqusillunga


Paneeraq Olsen